

T 2511

8243

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
SEP 1 1938

昆蟲草木略第二

通志七十六

木類

果類

蟲魚類

禽類

獸類

木類

伏苓曰茯苓其抱根者曰茯神典術云松脂入地千年為茯苓今詳茯苓乃松脂所化而云千年未必耳龜策傳云茯苓在菟絲之下今詳茯苓生山林而菟絲生人間叢薄自清濁異趣非同類相感者

琥珀漢書云出罽賓國舊云松脂入地千年化成又云



茯苓千年為琥珀又云松脂內溢入地而為琥珀今之所得其中則有蚊蟲蜂螻之類如生此皆是未入地所著者又云楓脂千年為琥珀大體中土不生來從外國皆云初得之如桃膠便可啖須臾則堅凝今人有煮嫩雞及青魚枕偽為之者

鑿曰鑿珀舊云琥珀千年為鑿然不生中國不可知也栢爾雅曰栢栲生於乾陵者其木之文理多作菩薩及雲氣人物鳥獸之形

桂本草有桂菌桂牡桂三條云菌桂無骨正圓如竹牡

桂一名稷一名木桂古云丹桂者謂其皮赤耳其花實似吳茱萸藥中之靈物而薑桂之滋為食味所重呂氏春秋云桂枝之下無雜木雷公云桂枝為丁入木中其木即死江南李後主患清暑閣前草生徐鍇今以桂屑布階縫中宿草盡枯爾雅云稷木桂

杜思仲曰木綿其葉似辛夷嫩時可食江南人謂之綿芽

荆又有蔓荆牡荆之別荆可以作筆者今人謂之黃荆蔓荆亦曰小荆其實入藥用牡荆亦用實登真隱訣注

云北方無識者又云梁天監三年將合神仙飯奉勅論  
牡荊曰荊花白多子子麗大歷歷踈生不過三兩莖多  
不能圓或褊或異或多似竹節葉與餘荊不殊蜂多採  
牡荊牡荊汁冷而甘餘荊被燒則煙火氣苦牡荊體慢  
汁實煙火不入其中注心風第一于時遠近尋覓不得  
猶用荊葉則牡荊殆絕矣

寄生生于木上有兩種一種大者葉如石榴一種小者  
葉如麻黃其實皆相似云是鳥糞感木而生入藥以桑  
上者良一名宛童一名寄屑一名寓木爾雅云寓木宛

童詩云蕩與女蘿施于松上大者曰蕩小者曰女蘿生  
松上者曰松蘿

五加曰豺漆曰豺節葉作五叉蘄州呼為木骨入藥用  
根皮道家呼為金鹽母與地榆皆可煑石故曰何以得  
長久何不食石蓄金鹽母何以得長壽何不食石用玉  
豉玉豉者即地榆也又曰寧得一把五加不用金玉滿  
車寧得一斤地榆安用明月寶珠

薰陸香即乳香南方草木狀云薰陸出大秦國其木生  
於海邊沙上盛夏木膠流出沙中夷人取之賣與賈客

沈括云乳香即薰陸如乳頭者為乳香塌地者為塌香  
雞舌香即丁香陳藏器以雞舌香為丁香母今按沈括  
考究諸義直是丁香無疑齊民要術云雞舌香世以其  
似丁子故一名丁子香應劭為漢侍中年老口臭帝賜  
雞舌香含之後來三省故事郎官日含雞舌香欲其奏  
事對答芬芳日華子曰丁香治口氣正以此也

辛夷曰辛矧曰侯桃曰房木北人曰木筆南人曰迎香  
人家園庭亦多種植離騷云辛夷車兮結桂旗

木蘭曰林蘭曰杜蘭皮似桂而香世言魯班刻木蘭舟  
在七里洲中至今尚存凡詩詠所言木蘭舟即此也

榆曰零榆曰白扮曰白榆其類有十數種榆即大榆也  
生莢如錢古人採其初生者作糜羹食之令人多睡故  
嵇康謂榆令人瞑也今不復食者惟用作醬取陳者良  
其皮至粘滑可膠瓦石北人用膠磔觜儉歲農人食之  
以當糧有一種刺榆有鍼刺如枳其葉如榆淪而為蔬  
則滑美勝於白榆爾雅云樞莖唐風云山有樞即刺榆  
也

槐有二種爾雅云櫬槐大葉而黑謂大葉而黑者櫬也

又云守宮槐葉晝聶宵炕謂晝聶合而夜炕布者守宮槐也又云槐小葉曰榎大而散楸小而散榎然楸梓類也櫟桐類也不可謂之槐

楮亦謂之穀其實入藥其皮造紙濟世之用也桑穀共生者即此也

枸杞曰杞根曰地骨曰枸忌曰地輔曰羊乳曰却暑曰仙人杖曰西王母曰枸櫞曰苦杞曰托盧曰天精曰却老曰地仙苗爾雅云杞枸櫞世言有兩種無刺者曰枸杞有刺者曰枸棘又云蓬萊南丘村者高一丈其根

盤結甚固其村之人多壽考南地生者名枸棘有刺延蔓如草萊沈括云陝西極邊生者高丈餘大可作椹葉長數寸無刺根皮似厚朴甘美異他處大體出河西諸郡其次江淮間埂上者實如櫻桃暴乾爲餅膏潤有味降真香曰紫藤香主天行時氣家舍怪異和諸香燒煙直上天召鶴盤旋於其上

厚朴曰厚皮曰赤朴曰烈朴曰重皮其植曰榛其子曰遂折

猪苓曰豨朶曰豨橐曰地烏桃

竹之類不一爾雅云挑枝四寸有節今挑枝竹也唐人  
有挑竹杖詩以其宜爲杖也又云鄰堅中此竹類而中  
實者今人謂之木竹也又云簡筴中此竹類而中虛薄  
者又云仲無筦今之簣簣竹也又云箠箭筍此箭筍凡  
筍類惟箭筍爲美故會稽竹箭有聞焉又云篠箭今箭  
竹小而希節者然竹之良者惟有篁竹謝靈運所游之  
澗今在鴈蕩其自死筍則謂之仙人杖

枳生江北橘生江南考工記曰橘逾淮而北爲枳言橘  
過淮則亦化爲枳矣故江北有枳無橘江南枳橘皆有  
藝曰吳茱萸或謂之檄續齊諧記云汝南桓景隨費長  
房學長房謂曰九月九日汝家有災可急令家人縫絳  
囊盛茱萸以繫臂上登高飲菊花酒此禍可消景如其  
言舉家登高山夕還見雞犬牛羊一時暴死長房聞之  
曰此代之矣世人此日登高飲酒帶茱萸囊由此爾又  
風土記曰九日折其房插頭辟惡氣今人多臨井植之  
云飲其水則無瘟疫

山茱萸其實似萇楚之實一名蜀棗一名雞足一名魁  
實

秦皮曰石檀曰盆桂其用在皮故曰秦皮亦曰岑皮其木似檀俗呼爲白栻木取其皮漬水染筆而書之作青色故墨家用之

梔子曰木丹曰越桃其花六出西域謂之薝蔔花

合歡曰合昏曰青裳曰夜合其木似梧桐枝弱葉繁互相交結每一風來輒似相解了不相牽綴植之庭階使人不忿其葉至暮而合故曰合昏今人皆謂之夜合花  
嵇康云合歡蠲忿萱草忘憂

秦椒曰檄田野人呼爲樛子爾雅云檄大椒

衛矛曰鬼箭莖有三羽狀如箭翎俗謂之狗骨

紫葳曰陵苕曰菱華曰女葳曰陵時曰凌霄藤生依緣

大木今人謂之凌霄花有黃白二種爾雅云苕陵苕黃

華蘂白華菱白華者少故詩云苕之華云其黃矣

蕪荑曰無姑曰藪塘曰姑榆爾雅云莖荑藪牆榆類也

實似榆莢臭如狎可作醬

欖子曰食茱萸曰越博雅云欖越與吳茱萸俱有藪名

內則云三牲用藪是欖子也爾雅云椒檄醜菜

茶曰檣曰護曰蒨其芽曰茗爾雅曰檣苦茶本草云茗



三百一十七  
苦榛其品最有優劣薛能詩云鹽損添宜戒薑宜著更  
誇茶而入薑鹽則下品也想薛能未知蒲甌香雪之興  
故云

五木耳曰樗蘇恭云楮槻榆柳桑之耳也其桑耳曰桑  
菌曰木麥曰桑巨曰桑黃

棘與棗皆有刺故棘文列刺棗文複刺切韻云棘小棗  
也不生江南其刺曰棘鍼曰棘刺其實曰薪實曰馬胸  
曰刺原爾雅云終牛棘注云馬棘也刺薨而長  
菴摩勒即餘甘也梵名之異耳

盧會曰訥會曰奴會俗呼為象膽木中脂也

石南曰鬼目

巴豆曰巴椒

椒曰薑藪曰陸撥曰南椒生於漢中者曰漢椒蜀中者  
曰蜀椒巴中曰巴椒

莽草曰春草曰芒草曰蒺爾雅云莽數節以其似竹而  
中實促節離騷云朝搴阰之木蘭兮夕覽洲之宿莽  
郁李曰爵李曰車下李曰棣爾雅云常棣棠棣詩云常  
棣之花鄂不韡韡

鼠李曰牛李曰鼠梓曰柶曰山李曰椈曰苦楸即烏巢  
子也爾雅云椈鼠梓詩北山有椈

杉曰栝曰沾松類也而材為良爾雅云栝沾

蔓椒曰豕椒曰猪椒曰彘椒曰狗椒以其作狗彘之氣

又曰地椒言生於地上

鈞樟曰椹亦樟之類也爾雅云椹無疵又名無疵

豫章其木甚大南都之郡因此得名今人謂之樟木

雷丸曰雷矢曰雷實

檉榆類也而枚烈其實亦如榆莢似錢之狀

楊之類亦多白楊曰高飛曰獨搖人多種於墻墓間故

曰白楊多悲風蕭蕭愁殺人水楊曰楊柳詩云楊柳依

依又云蒲柳爾雅云楊蒲柳其條可為箭箠故左傳云

董澤之蒲崔豹云水楊即蒲楊任矢用或言翟苻亦水

楊也移楊曰移曰扶移其木大數十圍無風葉動華反

復合所謂唐棣之華偏其反而崔豹云移楊圓葉弱蒂

微風大搖故又曰一名高飛一名獨搖與白楊之名相

近故郭璞云移似白楊

木之類亦多柳曰天棘南人呼為楊柳楊與柳實兩種

說文楊蒲柳也柳小楊也斬其枝橫倒曲直插之皆生  
其花謂之絮隨風如飛雪落地如鋪氈故騷人之所取  
興也杞柳亦曰澤柳可爲栝棧者爾雅曰旄澤柳

桐之類亦多陶隱居云有四種青桐葉皮青似梧而無  
子梧桐色白葉似青桐有子其子亦可食白桐與岡桐  
無異惟有花子耳花二月舒黃紫色禮云桐始華者也  
一名椅桐人家多植之岡桐無子今此云花便應是白  
桐也白桐岡桐俱堪作琴瑟據此說則白桐者梧桐也  
其材可作琴瑟諸桐惟此最大可爲棺槨左傳云桐棺

三寸爾雅云所謂櫬梧又謂榮桐木者此也詩云椅桐  
梓漆爰伐琴瑟注疏家不能別椅是岡桐桐是梧桐梓  
似楸別是一物爾雅謂之椅梓誤矣又有一種蘋桐夏  
月繁花其紅如火又有紫桐花如百合又有刺桐其花  
側敷如掌枝幹有刺花色深紅又有一種實如罌子粟  
可作油陳藏器所謂罌子桐也

柴荆曰頑荆莖葉似石南

紫荆人多種庭院間即田氏之荆也

南藤曰丁公藤南史解叔謙鴈門人母有疾夜於庭中

稽顙以祈聞空中曰得丁公藤即愈訪鑿及本草皆無  
乃至宜都山中見一叢伐木云丁公藤療風乃拜泣求  
得之及漬酒法受畢失翁所在母疾遂愈

黃藥即藥實根也宋武帝患手瘡經年有沙門與一黃  
藥傳即愈又秦州出者謂之紅藥子葉似蕎麥枝梗赤  
色

梓與楸相似爾雅云以爲一物誤矣按雜五行書曰舍  
西種楸梓各五根令子孫孝順所以人家多種於園亭  
陸璣謂楸之䟽理白色而生子者爲梓齊民要術云白

色有角者爲梓無子爲楸是皆不辨楸梓也梓與楸自  
異生子不生角

蒴藿曰陸英葉似火枚莖有節節間分枝弱植高丈許  
芹爲水英接骨爲木英蒴藿爲陸英謂之三英

枳椇曰木蜜蜀人謂之枸小雅南山有枸是也陸璣云  
似白楊其子大如指長數寸噉之如飴故曰木蜜

烏曰曰椈曰柅柳田人謂之柳葉枚臭而可染皂子可  
壓油爾雅云椈柅柳

訶梨勒如橄欖其未熟之子隨風飄墮者名隨風子

檮似椿北人呼為山椿江東人呼為虎目葉脫處有痕如檮蒲子又如眼目故有其名其材易大而不中器用又有一種山檮極似此詩唐風所謂山有栲是也故爾雅云栲山檮注謂栲似檮色小白生山中亦類漆俗云檮檮栲漆相似如一檮即椿也

檮曰椽亦曰榦其實作椽曰皂斗曰椽斗然有二種南土多榦北土多檮爾雅釋木云檮其實椽詩秦風云山有苞檮並此也其釋木云榦杼與唐風云集于苞榦並是柞木而陸璣誤謂是此耳椽實之類極多大體皆榦

屬也可食有似栗而圓者大小有三四種周禮籩人所謂漆實是也二三實作一椽正似榦而小者大小有三四種爾雅所謂榦榦是也注云子如細榦江東人亦呼為榦榦今俗謂之為茅榦榦榦皆其類也或曰榦之實似檮而小不可食

楊榦曰空䟽良材也

南燭曰烏草曰猴藥曰男續曰後草曰維那木曰黑飯草以其可染黑飯也道家謂之青精飯亦曰牛筋言食其飯則健如牛筋也吳越名猴菽又名染菽亦名文燭

經冬不凋春夏採枝莖秋冬採根此木類而叢生高三  
五尺亦似草故號爲南燭草木圖經云人家多植於庭  
院間俗謂之南天燭其實如梧桐子勻圓黑色九月熟  
兒童食之極美今茅山道士採其嫩葉染飯謂之烏飯  
甚甘香可以寄遠杜詩云豈無青精飯使我顏色好謂  
食此能變白駐顏故仙經云子服草木之王氣與神通  
子食青燭之津命不復殞並謂此也

鹽麩子曰叛奴鹽蜀人曰酸桶吳人曰烏鹽其實秋熟  
爲穗著粒如小豆其上有鹽如雪可以調羹戎人亦用

此謂之木鹽故有叛奴鹽之名

無患子曰噤婁曰桓其子勻圓如漆今人貫爲數珠古  
今注云程雅問木曰無患何也荅曰昔有神巫曰淫眊  
能符効百鬼得鬼則以此木爲棒棒殺之世人相傳以  
爲器用厭鬼故曰無患

檉曰河柳曰兩師曰春柳木中脂曰檉乳本草謂之赤  
檉木以其材赤故也大槩杉松之類而意態似柳故謂  
之檉柳爾雅曰檉河柳其材可卷爲盤合又曰樓落郭  
云可以爲栝器素此赤檉也又有一種名赤楊又名水

松與此相似而植之水邊其葉經秋盡紅人多植於門  
巷杜詩頽柳曉夜希即此也

益智子葉似蘘荷實如李核去皮用之其中人如梔子  
縮紗之類可蜜煮為粽食昔盧循為廣州刺史遺劉裕  
益智粽裕荅以續命湯是此也按蘇軾記云海南產益  
智花實皆長穗而分為三節其實熟否以候歲之豐凶  
其下節以候蚤禾其上中亦然大豐則實凶歲皆不實  
蓋罕有三節並熟者其為藥也止治益於智其得此名  
豈以知歲邪

木槿曰舜曰椴曰櫬曰及齊魯名玉蒸其植如李五月  
始花故月令云仲夏之月木槿榮此木類也爾雅云入  
草例者樊光云其華朝生暮落與草同氣故在草中今  
人謂之朝生暮落人多植庭院間唐人詩云世事方看  
木槿榮言可愛易凋也亦可作籬故謂之槿籬

椴櫬曰椴櫬曰箭曰王萼注云葉可為帚萼然有兩種  
一種有須可作繩耐水一種小而無須葉可為帚葩未  
吐時割去須而取之曰椴魚鱸而食之甚美南方又有  
虎散椴柳冬葉蒲葵椰子檳榔多羅等與椴櫬同類

芫花曰去水曰毒魚曰杜芫曰敗華曰兒草曰黃大戟  
其根曰蜀桑根苗高二三尺葉似白前及柳葉根皮似桑  
根正二月花紫碧色頗似紫荊而作穗絳州出者花黃  
謂之芫花爾雅云杭魚毒本草亦云可用毒魚其皮可  
浸汁藏梅

五倍子曰文蛤曰百蟲倉

靈壽木漢書孔光年老賜靈壽杖顏注曰木似竹有節  
長不過八九尺圍可三四寸自然有合杖之制  
也

柞木曰檇曰栩曰杼爾雅云栩杼詩折其柞薪又曰柞  
械斯拔陸機云柞械櫟也三蒼云械即柞也其葉繁茂  
其木堅韌有刺今人以爲梳亦可以爲車軸

### 果類

棗之類多爾雅曰棗壺棗郭曰棗大而銳上者爲壺又曰  
邊要棗郭云細腰者今謂鹿盧棗又曰擠白棗郭云即  
今棗子白熟又曰檇酸棗今藥家所用酸棗人孟子所  
謂養其檇棘是也又曰楊徹齊棗未詳又曰遵羊棗郭  
云實小而圓紫黑色俗呼爲羊矢棗孟子所謂魯皙嗜



羊棗是也又曰洗大棗郭云今河東猗氏縣出大棗如雞卵本草云一名良棗一名美棗一名乾棗謂大棗也爾雅又曰煑填棗未詳又曰蹶泄苦棗其子味苦替無實棗不著子者還味檢棗郭云還味短味

橘柚之類多爾雅曰檇椒即大柚也其大如秤皮釀極厚又曰柚條今謂之柚似橘而大皮釀稍厚然皆不可口或言檇即枳蓋江比無橘所以爾雅只載枳柚江南所產有柑有橘有橙人所常食三者之間而有數品又有枸櫞生於南方土人謂之香櫞如爪以釀厚者為美

梅之類多爾雅曰梅柟又曰時英梅梅類而實小謂之雀梅

梨之類多爾雅曰榘蘿山梨也又曰梨山檇野出之梨小而酢者又曰杜甘棠詩所謂蔽芾甘棠也謂之棠梨其花謂之海棠花其實謂之海紅子又曰杜赤棠白者棠此別棠梨赤白之異也

木瓜爾雅曰楸木瓜

豆蔻曰草蓂亦曰草豆蔻苗葉似山薑杜若輩根似高良薑花作穗可愛故杜牧云豆蔻梢頭二月春南人亦

採其花淹藏以當果品

葡萄藤生傳自西域史記云大宛以葡萄爲酒富人藏  
葡萄酒至萬餘石久者十數歲張騫使西域得其種而  
還中國始有又有一種曰嬰菓謂之山葡萄野出其實  
如葡萄而小亦堪爲酒其莖主嘔逆斷其兩頭節炊之  
有汁出如通草

蓬蘽曰覆盆曰陵蘽曰陰蘽今人謂之莓大小有數種  
有蔓生者有叢生者有樹生者惟叢生者大而可愛謂

蓬蘽其樹生者謂之覆盆子亦謂之西國草亦謂之

畢楞伽爾雅云莖莖盆其鋪地蔓生者曰地莓爾雅云  
蔗蔗者地莓也

蓮爾雅曰荷芙蕖其莖茄其葉蓮其本菴其葉菡萏其  
實蓮其根藕其中的的中薏按本草謂近根處白莖也  
實謂蓮房的謂蓮子亦謂之敷爾雅曰的敷薏謂蓮子  
中苦心又按本草藕實莖一名水芝丹一名蓮宋太官  
作血蝟庖人削藕誤落血中遂散不凝自此醫家方知  
其散血也

芡曰蓴子曰鈎曰芡曰鴈喙實曰鴈頭實曰雞雍實本

草曰雞頭實爾雅鉤芡葉大如荷皺而有刺俗謂之雞頭盤花下結房形類雞頭實正圓如榴核大根謂之菝菜莖謂之為菝亦堪為茹

芡實即菱也俗謂之菱角可以當糧菱亦作菱爾雅菱蔽攢注云今亦謂之菱攢

櫻桃曰朱棗曰麥甘酣曰楔曰含桃曰荆桃曰李桃曰柰桃爾雅云楔荆桃禮含桃先薦寢廟

柿烏者謂之柶

木瓜短小者謂之模檀亦曰蠻檀俗呼為木梨禮記謂之檀梨鄭氏誤謂梨之不臧者

甘藪有三種赤色者曰崑崙藪白色者亦曰竹藪亦曰蠟藪小而燥者曰荻藪

芋曰土芝其母曰芋魁史記蜀卓氏云汶山之下沃野有蹲鴟至死不飢正謂芋魁蓋其形似也

烏芋曰藉姑曰水萍曰白地栗曰河鳧茨曰槎牙今人謂之茨菰其葉曰翦刀草曰燕尾草

鳧茨爾雅曰芍鳧苽

荔支亦曰離支始傳於漢世初出嶺南後出蜀中故蜀

都賦云旁挺龍目側生荔枝南海藥譜云荔枝熟人未採則百蟲不敢近才採之則烏鳥蝙蝠之類無不殘傷亦不必荔枝諸果皆然東觀漢記云南海舊獻荔枝龍眼十里一置五里一堆奔馳險阻道路爲患孝和時唐元上書言狀帝詔太官勿復受獻蓋此物易變一日色變二日味變三日色味俱變占詩云色味不踰三日變舊時採貢以蠟封其枝或蜜漬之而近代奸幸之徒連株以進南人苦之不知土地所產之異而輒爲人患何也無乃忝物者與

龍眼曰益智曰龍目曰亞荔枝曰荔枝奴其味清甜荔枝才過即食龍眼

桃之類多爾雅曰旄冬桃今謂之旄桃藤生出山谷或言即寒桃也十月熟故謂之冬桃又曰攄桃山桃今野出之桃也味酸苦不解核桃之實乾而不落其中實者曰桃梟曰梟景本草云主殺百鬼精物上古有神荼與鬱壘兄弟二人桃樹之下閱百鬼無理者縛以葦索飼虎今人本此而作桃符

李之類多爾雅曰休無實李一名趙李又曰瘞接慮李

今之麥李即青李也又曰駁赤李此赤李著粉者也陶  
隱居云李以姑熟所出南居李解核如杏子者為佳  
菴羅果若林檎而極大佛書多言之

石榴本草謂之安石榴爾雅云劉劉杙劉與榴通用故  
也一名丹若一名若榴其甜者又名天漿入藥多用酸

榴

橄欖最療鯀貽毒其木作楫撥著魚比浮出故知物有  
相畏者也

榛有三四種桌類也似桌而小正圓

### 蟲魚類

蟬之類多爾雅及他書多謬悠惟陶弘景之注近之本  
卓蚱蟬注云瘞蟬也瘞蟬雌蟬也不能鳴者蟬類甚多  
莊子云螻蛄不知春秋則是今四月五月小紫青色者  
而離騷云螻蛄鳴兮啾啾歲暮兮不自聊此乃寒蟬耳  
九月十月中鳴甚悽急又二月中便鳴者名蟬母似寒  
蟬而小七月八月鳴者名蛸螿色青今此云生楊柳樹上  
是詩云鳴蜩嘒嘒者形大而黑昔人噉之故禮有雀鷄  
蜩范范有冠而蟬有綏亦謂此蜩復五月鳴俗云五月

不鳴嬰兒多天今其療亦專主小兒也按陶此說今實  
考其物寒蜚蟬母蛩類也蛩螻與蜩蟬類也蛩類在階  
除間及叢薄中夜鳴日不鳴蟬類在木上日鳴夜或鳴  
字林云蟬螻蛄也莊子所謂螻蛄者蟬類之別名爾而  
正名螻蛄乃是寒蜚又螻蛄條本經云一名螻蛄寒蜚  
與螻蛄類也故名號相亂凡本草所載名號有相亂者  
皆是物類近似故有互名非若他傳釋有名號相亂者  
非互名也皆是訛謬蜩蟬一物爾方言云楚謂蟬爲蜩  
宋衛謂之螻蛄陳鄭謂之娘蜩秦晉謂之蟬究而言之

實爲二物身小正云五月螻蛄鳴七月寒蟬鳴是其義  
也今就而驗之有四五種有大如雀黑色其鳴震巖谷  
者是爾雅所謂蜩馬蟬是也五月以前鳴者似大蠅而  
差大青色或有紅者夜在草上日在木上聲小而清亮  
此則正謂之蜩七月以後鳴者似蠶色亦斑此則正謂  
之蟬亦名蛩螻而陶謂七八月鳴者名蛩螻色青此誤  
也立秋已後青紅二色者盡無之矣獨斑蟬盛焉有一  
種如大黃蜂黑色倦飛亦倦鳴故謂之瘞蟬即蟬之雌  
者爾本草蚱蟬是也夏秋俱有蘇恭云蚱者鳴蟬也諸

虫獸以雄者為良以陶說為誤後來注釋者又引玉篇云蚱者蟬聲也明蘇說是且陶謂之瘞蟬豈妄哉蓋據當時所用之名物而言之醫家多用蟬蛻而希有用蟬者故不親識其所用之名物以意測度又尋經引傳以釋證之爾且萬物之理若非的識其情狀求之經傳展轉生訛况爾雅玉篇何可盡信舊云蟬是蜣螂所轉九人而化成至夏便登木而蛻此說非也蜣螂轉九但其子而蟬正是蜣螂化爾又糞中蟻螻及載蟲之類亦化為蟬也蟬脫曰枯蟬曰伏蜻

龜之類多爾雅一曰神龜二曰靈龜三曰攝龜四曰寶龜五曰文龜六曰筮龜七曰山龜八曰澤龜九曰水龜十曰火龜神龜龜之最神者靈龜本草謂之秦龜亦曰紫蠟其甲有文似瑇瑁而差薄耳故名蠟皮此龜一名蠟蠟俗呼靈蠟能鳴多出涪陵其甲可以卜攝龜小龜也一名蠟龜一名來蛇龜好食蛇故亦謂之呷蛇龜郭云腹甲曲折解能自張閉江東呼為陵龜或言此龜乃蛇所化故頭尾似蛇俗呼蝮龜即此寶龜傳國者所寶文龜甲有文彩者河圖曰靈龜負書丹甲青文筮龜

常在著叢下者龜策傳曰著滿百莖其下必有神龜守  
之山澤水火之龜皆其所生之處也火龜蓋生於火者  
亦猶火山國所出火鼠是也郭氏謂物有含異氣者不  
可以常理推龜溺醫家謂之石腦油最難得惟以鑑照  
之龜見影則失溺急以荷葉承之又法以紙炷火下燭  
熱以點其尾亦致失溺  
貝即璣瑁也說文云貝海介蟲也其甲人之所寶古人  
以為泉貨交易

各蟲之類亦多爾雅云蟲蠶蠶蟻草蟲負蠶折出蟲蚱蟻蟻蠶  
蟻蚱土蟲蟻谿按蟲蠶蝗也草蟲草蟲也亦謂蚱蟻  
蟻一名蚱蟻即一種大青蚱蟻股長而鳴甚響蟻蚱郭  
云似蚱蟻而細長飛翅作聲者蟻谿似蝗而小斑色多  
生園中郭云今謂之土蝶以其在土中也

蠋之類多爾雅曰蚱蟻大蠋小者蠋螯打蠋屬飛蠋其  
子蚱按蟻亦作蠋大蠋即馬蟻也大而黑郭云俗呼馬  
蚱蟻小蠋謂小黃蟻也以其種極多故專其名打蠋是  
一種大蟻赤色斑駁者飛蟻有翅而飛者九蟻老則皆  
生翅能飛遂化為他類矣蚱蟻如也似飯粒亦可為醬





有彭蜺彭蠖擁劔蠃蠃並生海中唯彭蠖不擇地生  
多於溝渠間其膏可塗濕癬疽瘡肉不可食令人吐下  
至困蔡謨誤食者此也彭蠖吳人語訛爲彭越南人謂  
之林禽可食作蠃尤佳小者名擁劔一名築步一名執  
火其螫赤此三種皆如小蟹而蠃蝶一名蛄大者控赤  
小者如螃蟹大隨潮退殼一退一長兩螫至疆故云能  
與虎鬪蠃如升大頗似蠃蚌而殼銳

蜂之類多本草蜂即蜜蜂也大黃蜂即土蜂也一名蜚  
零穴土以居今宣城所生蜂兒者土蜂也木蜂即飢飢  
蜂也結窠如甌在木上者

蠃蠃曰土蜂曰螺贏曰蒲盧俗謂之蠃蠃揅泥入於屋  
壁間及器物旁作房或雙或隻亦入竹管中以泥封其  
口其類不一也九蜂蟻皆不能生子只取他物吮成而  
陶隱居乃謂此生子如粟米大在房內仍取他蟲置其  
中以擬其子大爲糧也以詩云螟蛉有子螺贏負之爲  
謬矣後來人有壞其房而看之果見有卵如粟在死蟲  
之上皆如陶所說此蓋不究其義也諸蟲在蟻尚不食  
况其形體未定猶在窠中時何得有飢飽也壞其房而

見郊與死蟲者是變與未變爾將其故房看之其蟲殼  
皆如蛻形則非爲物所食明爾且蚱蟬生於蛻娘衣魚  
生於瓜子龜生於蛇蛤生於雀白鷓之相視負蝨之相  
應其類不一然則螟蛉螺贏不爲異矣

蚯蚓爾雅曰蝻蚓豎蠶亦謂之蠶壇江東呼寒蚓

蜻蛉爾雅曰叮蛭負勞亦謂之蜻蛉

蟪蛄爾雅曰不過蟪蟪其子蛄蛄又曰莫辨蟪蛄蛄謂  
蟪蛄有斧蛄蛄亦曰食尾曰蟪蛄

蚩蚩爾雅曰蚩蚩故爾雅曰蚩蚩入耳以此蟲能入

入耳故得入耳之名

蜚爾雅曰蜚蠊蜚郭云蜚即負盤臭蟲按此亦謂之  
蜚即草蟲也春秋書蜚以其能害稼本草謂之蜚蠊亦  
謂之蜚蠊

蛻娘爾雅曰蛻娘莊子曰蛻娘之智在於蛻丸

蝮木中蠹蟲也爾雅曰蝮蝮

蝮俗呼山羊有長角斑黑色喜齧桑葉及橘柚爾雅曰  
蝮齧桑

蝮蝮似蛻娘而小有文彩爾雅曰蝮蝮渠畧又曰蝮蝮

蚌郭璞云江東呼蟻蚌以有金色

守瓜者瓜瓠之葉上黃甲小蟲能飛者爾雅曰蠶輿父  
守瓜

穀蠹米穀中小黑蟲也爾雅曰蛄蠶強彊建平人呼爲  
蟬子

蜈蚣爾雅曰蒺藜蚘蛆性能制蛇見大蛇則噉其腦蛇  
不動而畏蚯蚓每遇蚯蚓亦不敢動蚯蚓以涎繞其足  
盡落

馬陸似蜈蚣而小尤多脚不能毒人曰百足曰馬軸所  
謂百足之蟲至死不僵者此也

蝦蟆之類多以蟾蜍爲上曰醜曰去甫曰苦蠶昔張暢  
弟收爲獮犬所傷醫云宜食蝦蟆鱗收其甚難之暢含笑  
先嘗蓋此物但入藥用而非可食也其肪塗玉刻之如  
蟬或不可得但取肥者剉煎膏以塗玉亦軟古玉器有  
奇特非雕琢人功者多是昆吾刀及蝦蟆肪所刻也爾  
雅螿蟆有一種生於田中大者三四枚重一斤南人名  
爲水雞亦名蛤又一種生山谷中黑色肉紅名石鱗魚  
並可食其小者名蠹其大於蠹而青色者曰青蠹凡蝦

蝮之類皆不交合惟雌雄相對吐沫漸成魚子遂變而成科斗爾雅云科斗活東亦曰活師古人科斗書蓋取象於此

馬蠃爾雅云蝦馬蠃郭云馬蠃蚋俗呼馬蠃方言云北

燕謂之蛆蝶其大者謂之馬蚋蚋即蠃也

載蟲曰蝮其毛能螫人故爾雅曰蝮毛蠹又曰螺蛭蝮者黑毛蟲也其毛皆能射人

蠃蝮爾雅云蠃蝮蝮糞土中大白蟲也本草一名蠃蝮一名肥蠃一名勃蠃

蝮蠃爾雅云蝮蠃蝮木中蠹蟲也方言關東謂之蝮蠃梁益之間謂之蝮

鼠負瓮底白粉蟲也爾雅云蝮鼠負又曰蝮威委黍詩蝮威在室蠃蝮在戶

牛蠹蠅類噉牛馬血爾雅云強蚘

衣魚亦謂之蠹魚以能蠹衣裳書帙亦謂之蝮魚亦謂之蟬爾雅云蟬白魚

莎雞曰酸雞曰樗雞曰天雞曰樗鳩曰翰爾雅云翰天雞黑身赤頭似斑貓

土蛹爾雅曰國貉蟲蠻郭云今呼蛹蟲為蠻

螢火爾雅云螢火即炤本草一名夜光一名放光一名

熠燿詩云熠燿宵行呂氏春秋云腐草化為螢

蝮蛄曰蝮曰天蝮曰蝮曰蝮蝮亦曰蝮蛄故爾雅云蝮

天蝮又曰蝮蝮蝮方言云南楚謂之杜枸此物頗協神

鬼昔人獄中得其力者今人夜忽見出多打殺之言為

鬼所使也荀子所謂梧鼠五技而窮蔡邕勸學篇云碩

鼠五能不成一技者此物爾魏詩所謂碩鼠者大鼠也

蝸牛曰蝸蝸曰陵蝸曰土蝸曰附蝸爾雅蝸蝸蝸蝸蝸

羸之類皆負殼惟此能脫殼而行頭有兩角故曰蝸牛  
水蛭曰蛟曰至掌

蠓之類多爾雅云蠓蠓蠓似蚋而小斜陽則群聚而飛

蜥蜴之類多爾雅云蝮蝮蜥蜴蝮蝮守宮也今按小而

青者曰蜥蜴大而黃者曰蝮蝮最小在牆間砌下者曰

守宮種類既異而此釋為一物恐亦未審也又按本草

蜥蜴謂之石龍子一名山龍子一名石蜴楚人謂之蛇

醫或謂之蝮蝮青尾有五彩蝮蝮似蜥蜴而大黃色亦

謂之蠃蠃也守宮似蜥蜴而小在屋壁間故名守宮故

東方朔謂非守宮則蜥蜴也守宮又名蠍虎舊云以朱  
飼之滿三斤殺之乾末塗女子身有交接事便脫不爾  
如赤誌故謂之守宮

蝟有兩種一種作猪蹄者又名蠃猪一種作鼠脚舊云  
蝟能跳入虎耳中而見鵲便仰腹受啄物有相制如此  
鼯鼠曰隱鼠曰鼯鼠形類鼠而肥多膏黑色無尾長鼻  
常穿耕地中行旱歲則為田害

蠖屈伸蟲也爾雅云蠖蚘蠖

蝻曰蟋蟀曰青蛭楚人謂之王孫幽州人謂之促織秋  
至則鳴故曰促織鳴懶婦驚

鼯鼠即飛生也一名鼯鼠

青蚨一名蠅蝟搜神記曰南方有蟲名蜎蝟如蟬大辛

美可食其子如蠶種取其子則母飛來雖潛取必知處

殺其母塗錢子塗貫用錢則自還淮南子萬畢云青蚨

一名魚伯以母血塗八十一錢以子血塗八十一錢置

子用母置母用子皆自還也或云自是雄雌不相捨爾

蛇之類多爾雅曰蝮蝮郭云蝮屬大眼最有毒今淮南

人呼蝮子又曰蝮蝮蛇蝮音騰郭云龍類也能興雲霧而

游其中淮南子云蟒蛇騰又曰蟒王蛇蟒蛇之大者謂之王蛇又曰蝮虺博三寸首大如擘江淮以南曰蝮江淮以北曰虺

鯉鱸鰻鮎鱧鮠爾雅無異名鰻今之黃鱸魚短鼻口在頷下體有三行甲無鱗大者長二三丈亦能化龍鮠今之鱣魚也

鮠廣雅云鱣魚也

鯊爾雅云鯊鮠小魚體圓而有點文常張口吹沙故名吹沙

鮠爾雅云鮠黑鮠郭氏謂即白鯧江東呼為鮠臣又疑即鯊魚以背黑故亦名黑鮠

鮠爾雅云鮠鮠今泥鮠也似鱗而小

鱧爾雅云鱧大鮠小者鮠即鱧也郭云今青州呼小鱧為鮠按鱧與鱧音與義同又本草作鱧一名鮠舊言是公鱧蛇所化頭有文

鱧爾雅云鱧大鱧小者鮠郭云鱧似鮠而大白色

鮠爾雅云鮠當鮠海中黃魚也似鱧而大鱗肥美多鯁江東呼其最大者為當鮠



紫爾雅云鯨鱗刀郭云今之鯨魚也亦呼爲魴魚按鯨魚所在有之

魴爾雅云魴鯇似鯇而小眼赤多生溪澗傳麗水丞難網捕

魴爾雅云魴魴

魴爾雅云魴鯨今魴魚亦呼魴鯨徽州一種魴頭似蝮蛇背有五色生溪澗

魴之類多爾雅曰魴大魴郭云魴大者出海中長二三丈須長數尺今青州呼蝦爲魴

羸之類多爾雅云羸小者蝓郭云螺大者如斗出日南漲海中可以爲酒杯按今所謂鸚鵡杯者出南海

蚌之類多爾雅云蜃小者玼即小蚌也一名玉玼可飾佩刀削詩傳云天子玉琫而玼玼是也山海經激女水中多蜃玼今廣州東南道極多人取以摩作碁子鬻之

鼉亦作鮑狀如鯨鯉長一二丈者能吐氣成霧致雨善攻碕岸性嗜睡常閉目極難死聲甚可畏其皮可冒鼓

凡鼉鼉之老者能變爲邪魅或云多年鼉入水化爲龍

梁周興嗣常食其肉後爲鼉所噴便爲惡瘡實彊靈之

物不可輕殺

鯢爾雅云鯢大者曰鯢即雌鯨也大者長八九尺狀似鮎魚脚前似獼猴後似狗聲如小兒啼今洞庭有之

禽類

佳爾雅謂之鳩鴉亦曰祝鳩今所謂鴉鳩也謹愿之鳥凡鳥之短尾者皆謂之佳惟夫不專名焉故指佳為鳩鴉也鳩方扶反鴉方浮反

鷓鴣爾雅謂之鷓鴣居物反鷓鴣音骨吻今謂之鷓鴣似山鵲而小短尾青黑色多聲江東亦呼為鷓鴣廣

雅謂斑鳩誤矣斑鳩即鷓鴣也

鳴鳩爾雅曰鷓鴣即布穀也一名桑鳩一名繫穀江東呼為穫穀禮記謂之鳴鳩苦八反鷓音菊

鷓鴣爾雅曰鷓鴣郭云小黑鳥鳴自呼江東名為烏鳴按此似鷓鴣無冠而長尾多在山寺厨檻間今謂之烏

鷓鴣音及

按王篇廣韻無鷓字惟有鷓字音及

鷓步丁反

鷓鴣爾雅曰王鷓鴣類多在水邊尾有一點白故揚雄云白鷓鴣舊說鷓鴣類誤矣鷓七徐反

鷓鴣陸機云大如鳩青灰色卑脚短喙水鳥之謹愿者

也

鵠爾雅曰鷓鴣音格鷓鴣音忌郭云今江東呼鷓鴣為鷓鴣亦謂之鷓鴣

鷓鴣爾雅云天狗魚狗也似翡翠而小青碧可愛鷓鴣音立

鷓鴣爾雅曰天鷓音綢郭云大如鷓雀色似鷓好高飛作聲江東名之曰天鷓音綢繆之繆按此雀類似鷓而尾小長以其能鳴故人多養之俗呼告天所在寒月多有之

音藥

鷓鴣爾雅曰鷓鴣今之野鷓鴣音六鷓力于又

鷓鴣爾雅曰鷓鴣即鷓鴣也

鷓鴣爾雅曰鷓鴣音洛郭云水鳥也似鷓而短頸腹翅

紫白背上綠色江東呼為鷓鴣音駁

舒鴈爾雅曰鴈

舒鳧爾雅曰鷓鴣也

鷓鴣爾雅曰鷓鴣水鳥也今亦謂之鷓鴣似鳧脚高手冠

郭云江東人家養之以厭火災

鷓鴣爾雅曰鷓鴣音烏鷓音澤鷓鴣也形極大喙長尺

餘額下有胡大如數升囊好群飛沉水食魚俗謂之淘

河許慎云鵬也

鶡爾雅曰天雞鶡音汗逸周書曰蜀人獻文鶡文鶡者若翬雉按今有吐錦雞蓋雉類惟蜀中有之仰日吐錦甚有文彩

鶡爾雅曰山鵲今喜鵲也郭氏謂似鵲而有文形長尾甫脚赤鶡音握

鷓爾雅曰負雀鷓音淫郭云鷓鷃也江南人呼之為鷓善捉雀因名云按此即今之小鷓也蓋鷓類南方無鷹唯呼此為鷹

鷓爾雅曰鷓老鷓音彖郭云鷓鷃也俗呼癡鳥字林云句喙鳥按此蓋鷓類能捕雀句喙目圓黃可畏如拳大小者猶俊

鷓爾雅曰割葦注云好割葦皮食其中蟲因名云江東呼蘆虎似雀青斑長尾鷓音遼

桃蟲爾雅曰鷓其雌鷓音艾似黃雀而小一名鷓鷃一名鷓鷃一名桃雀俗呼巧婦

鳳凰爾雅曰鷓鳳其雌黃神鳥也其雛曰鷓鷃雞冠蛇頸魚尾龍文龜背燕頤前後五色備舉高六尺許京房

云高丈二出於東方君子之國飛則群鳥從以萬數非  
梧桐不栖非竹實不食晨鳴曰發鳴朝鳴曰上翔晝鳴  
曰滿昌昏鳴曰固常夜鳴曰保長鳳古作朋字  
鷓鴣爾雅曰鷓渠雀屬也長尾背上青赤色腹下白頸  
下黑飛則鳴行則搖

鷲斯爾雅曰鷲鷲亦謂之雅鳥蓋雀類差小多群飛食  
穀粟俗呼必鳥鷲音匹聲相近

鷲爾雅曰鷲母即鷲也青州呼鷲母田鼠所化鷲音  
如謀

蜜肌爾雅曰繫英英雞也喙啖石英故得名焉

雋爾雅曰雋周即子規也多出蜀雋郡故名焉蜀主望  
帝化爲子規雋希規反

燕玄鳥也爾雅曰馭陸機云齊人謂之乙燕有二種爾  
雅又曰燕白脰鳥則知此爲紫燕矣

鷓鴣爾雅曰鷓鴣陸機諸儒皆謂爲巧婦誤看詩文也  
今按郭氏說此及方言皆謂是鷓類據下言茅鷓怪鷓  
則此應是鷓無緣得是巧婦鷓鷓音遙寧決

狂爾雅曰茅鷓郭云今鷓鷓也似鷹而白

白鷓爾雅曰怪鷓廣雅謂之鷓鴣郭云今關東呼此屬  
為怪鳥

爾雅曰鷓即訓狐日暝而夜作賈誼所賦鷓鳥是也  
其肉甚美可為羹臠又可為炙漢供御物說文云臠食  
母不孝之鳥故冬至捕臠磔之字從鳥首在木上或說  
即今伯勞也食母

雅曰雜縣海鳥也嘗止於魯東門之外又漢元  
時琅邪有大鳥如馬駒時人謂之爰居

鷓之類多皆雀屬也爾雅曰老鷓鷓音晏雀也又曰

春鷓鷓夏鷓竊玄秋鷓竊藍冬鷓竊黃桑鷓竊脂棘  
鷓竊丹行鷓喈喈宵鷓嘖嘖古淺字言其色之淺喈  
喈音即嘖嘖音責皆其聲然也或取其毛彩或取其鳴  
聲以命名鷓雖雀屬皆以時見亦猶鷓然農家須其  
鳴以候時故又命以四時也桑鷓郭云俗謂青雀今名  
鷓性慧可教桑棘之鷓多在是木故名行鷓者多在  
籬落如雞雉然不飛去故名宵鷓者能傳衣故名鷓音  
汾鷓敕倫反

鷓鷓爾雅曰戴鷓鷓彼及反鷓皮及反鷓女金反郭云

雋即頭上勝今亦呼為戴勝鷓鴣猶鷓鴣語聲轉耳按  
方言關東曰戴雋

鷓鴣爾雅曰澤虞鷓鴣乎往反郭云今姻澤鳥似水鴉蒼黑  
色常在澤中見人輒鳴喚不去有象主守之官因名云  
俗呼護田雞按此鳥亦多在田中閩人呼為姑雞紡以  
其聲類紡聲且聒聒不輟

鷓鴣爾雅曰鷓於計反

鷓鴣爾雅曰其雄鷓牝庫鷓類此別其雌雄之異名耳  
鷓鴣墓所化庫音脾

鷓爾雅曰沈鳧似鷓而小尾白俗呼水鴉好沒故曰沈  
鳧鷓音施

鷓頭爾雅曰鷓鴣於鳥反郭云似鳧脚近尾略不能行  
江東謂之鷓許交反按此鳥類野鴨而文彩不能行多  
溷野鴨群中浮游

鷓鴣爾雅曰寇雉郭云鷓大如鴿似雌雉鼠脚無後指  
歧尾為鳥慙急群飛出北方沙漠地

雉爾雅曰老鷓郭云木兔也似鷓鴣而小兔頭有角毛  
脚夜飛好食雞且疑此即訓狐以其首似兔故有此等

名鷓音兔

鷓爾雅曰鷓鳥鷓音突郭云似雉青身白頭

狂爾雅曰瘠鳥山海經云栗廣之野有五采之鳥有冠名曰狂鳥

皇爾雅曰黃鳥即黃鸝也一名倉庚一名商庚一名鷦黃一名楚雀一名搏黍一名黃離留陸璣云常以榘熟時故來里語曰黃栗留看我麥黃榘熟不故又名黃栗留

翠爾雅曰鷗音律其羽可以飾器物

鷓爾雅曰山鳥郭云似鳥而小赤嘴穴乳出西方

蝙蝠爾雅曰服翼今亦謂之蝙蝠鼠所化故又名仙鼠晨風爾雅曰鷓似鷓而小青黃色燕頤

鷓爾雅曰白鷺鷺音揚厥郭云似鷹尾上白

鷓爾雅曰蟲母郭云似鳥鷓而大黃白雜文鳴如鷓聲今江東呼為蚊母俗說此鳥常吐蚊因以名云鷓蟲音田文

鷓爾雅曰須羸鷓也似鳧而小其膏可瑩刀劍古詩云馬銜首荷葉劍瑩鷓鷓膏鷓羸音梯螺



鼯鼠爾雅曰夷由似蝙蝠而大翅尾長三尺許背上蒼  
艾色短爪長飛且乳故又名飛生聲如人呼食火烟能  
從高赴下不能從下升高鼯音吾

鷲爾雅曰啄木鷲音列今亦謂之斲木鳥常啄木剥剥  
然取蠹蟲食

鷲爾雅曰春鉏白鷲也亦曰鷲鷲陸璣曰汶陽謂之白  
鷲齊魯謂之春鉏遼東樂浪吳揚皆謂之白鷲

雉之類多爾雅曰鷓雉鷓雉鷓雉鷓雉秋秋海雉鶴山  
雉翰雉鷓雉雉絕有力奮伊洛而南素質五采皆備成

章曰翬江淮而南青質五采皆備成章曰鷓南方曰鷓  
東方曰鷓北方曰鷓西方曰鷓鷓音遙鷓雉即鷓雉也  
青質而有五采者鷓音鷓鷓音卜鷓雉即鷓雉也朱冠  
綠臉項背有文腹下黃赤大如雞雄者有文彩據文勢  
是如此郭氏離此為四物誤矣秩秩者即海雉也郭云  
如雉而黑在海中山上鷓音狄即山雉也此與鷲雉是  
一種小異亦有文彩郭云長尾者翰音汗即鷓雉也今  
謂之白鷓似鷓而大白色紅臉可愛鳥之健勇者惟雉  
雉之有力者曰奮翬鷓皆所產之異鷓鷓鷓皆所呼



獮么奏緼音偉墳腰湊温又曰豕生三縱二師一特所  
寢槽四獮皆白孩絕有力狔牝豕槽音增豕所卧之簣  
也獮音滴躄也躄蹄也狔音厄郭云豕高五赤者孩音垓  
虎之類爾雅曰虎竊毛謂之覈貓竊古淺字覈音殘郭  
氏引古律文捕虎一資錢三千其狗半之爾雅又曰魁  
白虎驪黑虎黠無前足晉太康元年召陵扶夷縣檻得  
一獸似狗豹文有角兩脚即此類也或說黠似虎而黑  
無前兩足魁音含魁式六反黠足滑反

熊羆之屬爾雅曰羆如熊黃白文羆似熊長頭高脚猛  
慙過於熊其脂似熊白而羆又曰熊虎醜其子狗絕  
力麇醜類也麇音咸又曰麇如小熊竊毛而黃郭云今  
建平山中有此獸狀如熊而小俗呼為赤熊即麇也音  
類

狐狸之屬爾雅曰狸狐貍辨醜其足躡其跡瓜躡音煩  
掌也瓜音狃指頭著地處又曰狸子隸辨子貍隸音曳  
辨下各反辨似狐善睡亦謂之貉郭云今江東呼貉為  
貍

貍爾雅曰貍貍似狸貍貍音樞萬林云貍似狸而大一

名貌郭氏云今山民呼羆虎之大者為羆豸

麇羊爾雅曰麇大羊音靈陶隱居云其角多節蹇蹇負繞者為真惟一邊有節節踈大者為山羊按此二角俱似羊而大在山崖間又曰羆如羊音元郭云似吳羊而大角角脩出西方

羆兕之屬爾雅曰兕似牛如野牛青色重千斤一角長三赤餘形如馬鞭柄其皮堅厚可制鎧又曰羆似豕今出交趾形似水牛豬頭三角一在頂上一在額上一在鼻上者即食角也小而不脩好食棘亦有一角者其通天

犀乃是水犀角上有一白縷直上至端能出氣通天置露中不濡置屋中烏鳥不敢集屋上置米中雞皆驚駭故亦謂之駭雞犀抱朴子曰通天犀角三寸以上者刻為魚銜之入水水常為開三赤

猿猴之屬爾雅曰蒙頌猴狀郭云即蒙貴也狀如雌而小紫黑色可畜健捕鼠勝於猫九真日南皆出之猴亦獼猴之類又曰猴猿即猿也猿善攀援

獬豸爾雅云獬豸類羆虎爪食人迅走山海經云少咸山有獸狀如牛而赤身人面馬足名曰窳窳其音如孩

兒食人所說與此異。獬烏八反。羴羊主反。

騶爾雅云騶如馬一角不角者騶。騶音攜。郭云元康八年九真郡獵一獸大如馬一角角如鹿茸此即騶也。今深山中人時或見之亦有無角者。

貍亦謂之獾。爾雅云貍子。獾音湍。窶貍似豕而肥。猶爾雅云猶如鹿善登木。說云猶獾屬也。鹿音几。

狒狒爾雅云狒狒如人被髮。迅走食人。狒扶味反。梟羊也。俗呼山都人面長脣見人則笑笑則脣蔽其面。左手

操管

雌爾雅曰雌印鼻而長尾狀如獼猴而大黃黑色尾長數尺似獼尾末有歧鼻露向上兩即以尾塞鼻或以兩指所在山中。有之。

麇爾雅云麇麇短脰

贗有力贗呼犬反。郭云西海大秦國有養者似狗多力。獷惡。

處爾雅云處迅頭郭云今建平山中有處大如狗似獼猴黃黑色多髯鬣好奮迅其頭能舉石摘人。獮類也。處音據。

猩猩爾雅云猩猩小而好啼人面豕身長髮能言語好飲酒醉則人髡其髮爲髮聲似小兒啼

後覺爾雅云後覺如魏貓食虎豹即師子也漢順帝時踈勒國獻師子似虎正黃有顛形尾端茸毛大如斗

麀爾雅云麀麀身牛尾一角此瑞應獸也黃色圓蹄馬足角端有肉麀即麟字

鼠之屬多爾雅曰鼯鼠音憤地中行者食竹根今人謂之竹鼯伯勞所化廣雅謂之鷄鼠又曰鼯鼠刮忝反大戴禮云田鼠者鼯鼠也郭云以頰裏藏食者又曰鼯鼠

鼠之最下者郭氏云謂有螫毒者一說甘口鼠也又曰

鼯鼠音斯似鼯鼠夏小正曰鼯鼠則穴蓋九月也又曰

鼯鼠弋救反狀如鼯赤黃色大尾能啖鼠俗呼鼠郎江東呼爲鼯即莊子云騏驎騑捕鼠不如狸鼯是也又

曰鼯鼠音劬小鼠也一名鼯鼠亦謂之鼯鼯又曰鼯鼠

鼯鼠音時吠並未詳又曰鼯鼠音石郭云形大如鼠頭似兔尾有毛青黃色好在田中食粟豆關西呼爲鼯鼠

鼯音雀又曰鼯鼠鼯鼠音問終並未詳又曰豹文鼯鼠音廷常在木上如鼠大其文似虎豹今深林中甚多漢

武帝時得此鼠孝廉郎終軍知之賜絹百疋又曰鼯鼠  
古覓反郭云今江東山中有鼯鼠狀如鼠而大蒼色在  
木上音覓按郭氏此說又與鼯鼠相類

馬之類多爾雅曰駒駝馬音陶徒字林云北狄良馬也  
郭云色青又曰野馬郭云如馬而小穆天子傳云野馬  
日走五百里又曰駮如馬倨牙食虎豹倨即鋸也山海  
經云中曲山有獸如馬而身黑三尾一角音如鼓名駮  
食虎豹可以禦兵又曰駮蹄跂善陞駮駮蹄者其蹄如  
跂秦時有駮蹄苑鬪山嶺也郭云形似甌上太下小駮

駮音昆硯又曰駮駮枝蹄跂善陞駮枝蹄如牛蹄是也  
牛枝蹄馬溷蹄又曰小頰盜驪穆天子傳云天子駕八  
駿右盜驪左綠耳小頰細頸也又曰絕有力駮馬高八  
尺曰駮音戎又曰膝皆白惟鬐四骹皆白驢四蹄皆  
白首前足皆白駮後足皆白獬前右足白啓左白蹄後  
右足白驤左白鬐駮馬白腹駮驪馬白跨驕白州驪尾  
本白驤尾白駮駒顙白顙白達素縣面顙皆白惟駮骹  
膝下也蹠蹄也駮赤色驪黑色跨髀間也州竅也尾本  
尾根也尾根白曰驤尾毛白曰駮顙額上也素鼻莖也





牛之屬多爾雅曰摩牛犛牛犛牛犛牛犛牛犛牛犛牛  
摩音麻郭云出巴中重千斤犛音窳郭云即犛牛也領  
上肉犛肤起高二尺許如橐駝肉鞍一邊犛者日行三  
百里交州合浦徐聞縣出此牛按犛牛漢順帝時踈勒  
王來獻此犛音皮郭云犛牛庠小今之犛牛也又呼果  
下牛出廣州高涼郡犛音獵郭云即犛牛也如牛而大  
肉數千斤出蜀中犛音獵郭云即犛牛也髀膝尾皆有  
長毛按此牛角向前毛如白雪其長毛今人以為拂子  
出荆楚間犛音童無角牛犛古覓反未詳何牛也又曰

角一係一仰觭皆踊鬣黑脣犛黑背抽黑耳犛黑腹牧  
黑脚犛其子犛體長犛絕有力欣犛觭音欺犛騰也謂  
角騰起鬣音誓犛閏句反背才細又目圈也犛音討犛  
音摧體身也犛匹外反犛音加

羊之屬多爾雅曰羊牡粉牝羊吳羊牝曰粉音墳又曰  
夏羊牡踰牝殺郭云夏羊者黑殺羶也臣疑今胡羊也  
多出夏州踰音俞然今人呼牡羊為股音古又曰角不  
齊觭音鬼又曰角三觭音險此謂羊角捲三匝者又  
曰觭羊黃腹音煩又曰未成羊犛直呂反郭云俗呼五

生三豎二師一獬豸音宗祈又  
子未生幹毛者又曰長喙獬短喙  
見獬音呼儉切獨音呼謁切獬音  
狝音北老狗也

通志七十六

